

欽定大清會典事例

欽定大清會典事例卷九百三十八

工部

船政 戰船三

道光元年

諭錢臻奏山東水師戰船。因赴南省購買木料。轉運維艱。以致興造稽遲。酌改章程。由東省專委州縣官。會同水師營弁。赴江南上海縣。就近購料。覓匠設廠。償造。勒限一年完工。航海回東。由鎮道覈實驗收。著即照所議辦理。至例津二價不敷。並准其每年於廟工生息銀款內提銀一萬兩。以資幫貼。其例應大小修

船隻仍照舊章由東省辦理。○二年

諭慶保等奏閩洋米艇船隻緝捕未能得力請分別裁汰改造一摺閩省從前添設米艇係仿照粵省船式成造專為攻捕艇匪之用現據該督等查明艇匪久已絕迹且駕駛之法於閩省洋面未能得力自應酌量裁改著照所議將此項米艇內虧朽過甚之十五船即行裁汰以符額設兵船之數毋庸再為添造其尚存二十三隻俟屆應行拆造之時照一二三號同安梭船之式一律改造仍按原配營分領駕配緝該督等務飭令廠員認真估辦嚴督胥匠依法製造儻

有偷減草率情弊。即行據實嚴叅懲辦。○又議定。山東省登州水師營額設船隻章程。一。打造戰船。除部價津貼銀兩外。每隻於所提廟工生息項下幫貼銀四千兩。大修。每隻幫貼銀二千八兩四分。小修。每隻幫貼銀一千二百六十七兩八錢四分。一。打造艍船。除部價津貼銀兩及拆造船隻舊料變價添補外。每隻於所提廟工生息項下幫貼銀二千兩。大修。每隻幫貼銀一千二百八十兩五錢。小修。每隻幫貼銀七百四十三兩一錢八分。一。大小修船隻。劃分南北工料。所

需木植椽藤油鐵蓬箬篾笏等項。向係赴南方採買。灰炭糝麻網衣白布等項。向係赴北方採買。定例。大修戰船。每隻部價津貼銀一千四兩二分。應酌定南料銀八百七十五兩七錢六分四釐。北料銀五十九兩七錢一分八釐八毫。匠工銀六十八兩五錢三分七釐二毫。小修戰船。每隻部價津貼銀六百三十三兩九錢二分。酌定南料銀五百四十一兩七錢九分三釐。北料銀五十兩一分一釐。匠工銀四十二兩一錢一分六釐。大修船。每隻部價津貼銀六百四十

兩二錢五分。酌定南料銀五百四十四兩五錢三分二釐。北料銀四十五兩五錢九分三釐。匠工銀五十兩一錢二分五釐。小修艍船。每隻部價津貼銀三百七十一兩五錢九分。酌定南料銀三百十兩八錢九分八釐。北料銀三十四兩二錢八分四釐。匠工銀二十六兩四錢八釐。一委員赴南造船完竣。應用舵工水手。即責成同往水師營弁。在江南臨時雇募。航海駕回。雇募江南舵工水手工食。每船需銀二百四十兩。若值隆冬。通行酌加銀二十兩。共計每船需銀

二百六十兩。亦於所提廟工生息項下動支。俟
試行一二年。察訪實在雇價。另行釐定。每造
一船。由水師營派委熟諳船工實缺守備一員。
兵丁二名。會同文員前往監造。營弁每月給銀
十兩。兵丁每名每月給銀三兩。亦於廟工所提
生息項下動支。統以一年為率。不准逾額。至文
員已有幫貼。毋庸再給。一監造船隻。文職委實
缺州縣一員。武職委實缺守備一員。果能一年
限內完竣。由鎮道驗明如式堅固。文員聽該撫
酌量升調。武職給咨送部引。

見請

旨照豫省之例。註冊升用。如逾限一月以上。罰俸三月。兩月以上。罰俸六月。三月以上。罰俸九月。四月以上。罰俸一年。五月以上。降一級留任。半年以上。降一級調用。僕辦理不善。有偷工減料情事。即行叅革。著賠。如係該鎮道驗收不實。即將該鎮道照例降一級調用。○三年

諭葉世倬奏籌議承修戰船章程一摺。閩省戰船駕廠本應隨時修理。近緣木料短少。未能剋期興辦。以致歷年積壓。自係實在情形。著照所請。將福泉漳三廠

應辦戰船。自道光二年正月為始。按月修船一隻。遇
閏多修一隻。其集成字號大船。以一隻抵修兩隻。至
遭風擊碎補造之船。著落奉到行知之員造補。不在
額修之內。該督撫仍督飭各廠道員。先儘到廠最久
之船。挨次修造。不得越次。以杜挑修取巧之弊。又
諭。趙慎畛等奏水師兵船。應製備巾頂插花。懇准予報
銷一摺。閩省緝捕兵船。前因經費無出。奏准於關稅
項下動支銀十萬兩。發商生息。歲得息銀一萬二千
兩。以備支用。茲據該督等奏稱。兵船巾頂插花出洋
駕駛。追躡盜蹤。較為利便。如遇屆期修造。駕廠必須

製辦。按照船隻大小。均勻牽算。每船需銀四十餘兩。每年四廠約需銀二千兩零。著照所請。准將戰船製備中頂插花工價。自官捐緝匪經費停捐之日起。循照未屆限滿損壞船隻修費等款。歸於籌備緝匪經費之關稅生息項下。一體動支製辦。仍將支過工價銀兩。按年造冊報銷。以歸覈實。○四年

諭。趙慎畛等奏閩洋米艇戰船緝捕不能得力。請全行裁汰一摺。閩洋米艇船隻。前因慶保等以船身遲笨。駕駛未能得宜。奏請裁汰十五船。當經降旨准行。並令將裁贖船隻。俟應拆修之時。照同安梭船式一律

改造。茲據趙慎畛等查明現存米艇各船。仍難適用。現屆大修小修。若照舊修造。未免帑項虛糜。自應全行裁汰。著照所請。除已改造之勝字六號等米艇八隻。堪資得力。毋庸議裁外。所有現在屆修駕廠之勝捷兩字號同擊碎之捷字六號十二船。俱著即行裁汰。其存營駕駛之勝字一號十號並甫經修竣之勝字三號等三船。仍俟屆修之時。一律全裁。分別變價報撥。以節糜費。而收實用。○五年

諭。阮元奏粵省代修福建遭風師船。覈實報銷一摺。福建水師提標成字五號師船。前於嘉慶二十三年在

洋遭風損壞。漂至廣東潮陽縣地方。由該省勘估墊
項修竣。駕駛回閩。嗣經閩省以墊修銀數。逾於該船
大修例價二千六百一十九兩之外。難以由閩報銷。
咨粵大加刪減。據粵省查明該船損壞過甚。是以浮
於大修例價銀三百餘兩。委係實用實修。事經六七
年之久。墊款久懸。尚未解還歸庫。閩省以礙於例價。
不准照銷。現經阮元奏請此項修費。照閩省大修例
價報銷。所有不敷銀兩。由粵省代為捐賠等語。著閩
省督撫即將廣東墊修閩省提標成字五號師船例
價。速行解還歸款。其不敷銀三百六兩零。著阮元即

飭廣東歷任潮陽縣代為分賠。先歸墊款。○六年

諭。昆明湖戰船二隻現俱腐朽。著即裁撤。其水師營應裁實缺千總三員。聽其自便。如該弁等願回本省。即咨回原籍營務當差。儻不願回原籍。即交內務府酌議應撥何處。奏明辦理。其水手四十八名。在京已久。現有二百七十餘名口。若仍遣回原籍。轉致失業。著加恩交內務府酌量安置。妥議具奏。於奉宸苑等處水手差使。挑補錢糧。以示體恤。○七年

諭。孫爾準等奏巡洋兵船。請酌量分別裁改一摺。臺灣洋面。今昔情形不同。巡防各船。必須因時制宜。方資

駕駛據該督等查明臺澎水師各營原存戰船內善
字號船隻過於笨重。知方兩字號船隻不利水深。均
於巡防不甚得力。查有白底艍船。駛風折戣。最為靈
便。以之追捕。可期得手。請酌量分別裁改。自係實在
情形。著照所請。將善字號船九隻。並知方兩字號船
三十二隻。一併裁汰。照商船白底艍船式樣。另造三
十二隻。以抵知方兩字號船之額。合計臺澎各營戰
船足數應用。該督等即飭臺灣廠道將舊船估變。完
解司庫報撥。雇覓工匠。趕緊估計造辦。以資配緝。○
八年議准。兩江燕尾梢船二十二隻。全行裁汰。

改造放大船六隻。其木料做法互異。未便將舊料添改。仍按照部額做法。從新估造。其裁去船隻。即照例按成確估變價。○十五年奉准。將臺灣道廠未經修造戰船。改為拆造十七隻。再於歷年遭風擊碎。延未詳題造補船二十三隻內。撥出船十三隻。共船三十隻。添設府廠。分作五年造辦完竣。其改為拆造之十七船。仍按原屆年限請領銀兩。不敷之項。歸於臺灣道府廳縣。分作十四年勻捐歸款。尚有應行造補船十隻。仍歸道廠帶造。至道廠年例大小修及拆造。

船隻仿照內地各廠奏准月修章程。每年修造船十二隻。閏月加修一隻。○又奏准兩江水師戰船頭號商船八隻。改造海哨船式樣。以便操巡。而期適用。改造之船。全用新料。查照江省則例。每隻應需銀四百八十九兩六錢七分五釐。八船共領部價銀三千九百七十四兩。比較商船。僅及其半。此後大小修。亦照例遞減。○又奏准兩江洪澤湖內河新設水師營。應添設巡船五隻。洪澤湖向有湖船。身長五丈二尺。樑頭寬六尺。落艙樑四尺。船肚寬七尺二寸。落艙深

四尺五寸。尾寬六尺。落槍樑四尺。堅固寬大。可容三四十人。每船約價銀四百兩。應動支銀二千兩。令坐落之清河縣承領置買。作為巡船。其大小修拆造。即照內河年限。以歸覈實。○十八年議准。湖南省岳州水師營靖字十號至十八號戰船九隻。船身笨重。仿依民船式樣。量為收小。一律改造。○十九年

諭。錢寶琛奏請酌改水師唬船。並先行試辦一摺。江西省南湖九江鄱湖水師營額設唬船。現據該撫查明船身笨重。不便駕駛。請仿照民船式樣。分別改造。著

准其每營酌造數隻試用。仍著該撫確切查明。如果合式。再行覈實具奏。○二十四年奏。江南省江海營船二百七十五隻。向歸道廳州縣分廠承造。因例價過少。承造之員。或竟遲延不造。或幫貼價值。包給營員。故舊日營船。雖有二百七十五隻之多。實則不獲一隻之用。擬減為一百三十五隻。歸於江甯蘇州兩廠。照市價承造。奉

諭。壁昌等奏。籌議江南水師船政。酌定章程。並陳明從

前積弊一摺。江南水師營船。為內外洋會哨巡防之用。綽繫甚重。茲據該督查明。不堪應用者多至二百

六十餘隻。歷任修造經管各員。本難辭咎。惟歷年既久。物故者多。著毋庸查叅。經此次明定章程之後。如再蹈從前積習。著該督即行嚴叅治罪。決不寬貸。

又議准。江南省內洋長江利用大小舢板。外洋利用大舢船。現在江甯蘇州兩廠分造。概照民價辦理。仍令將用過工料銀兩。造具成規細冊。送部具題。其大舢船每隻每年給修理銀一百五十兩。大舢板每隻每年給修理銀一百兩。小舢板每隻每年給修理銀五十兩。五年之後。必須修理者。大舢船每隻不得過八百兩。大舢板

每隻不得過五百兩。小舢板每隻不得過二百五十兩。十年之後再行拆造。該督臨時查驗。如可節省。不得徒循年限。概請興修。其每年油艙銀九萬七千六百兩。五年大修銀六萬一千六百兩。由承辦之道廳州縣分別捐解。各處捐款定以四季解司。其現造之大舢船每隻照市價需銀二千九百五十九兩五錢二分。大舢板船每隻需銀一千五百五十二兩八錢。小舢板船每隻需銀八百兩。惟民價隨時低昂。難以預卜。設遇翔貴。動用捐款。作為津貼。不准在司庫造。

船本款之外。絲毫請增。儻時價減落。捐款積有
贖存。即提作造船本款之用。以期節省庫項。此
次營船改定章程。所有舊設船隻。令該督遴委
妥員。照例按成確估變價。造冊送部覈辦。○又
奏准。該廠船隻成造後。由該督等親詣驗收。飭
派營員承領。由該員出具領結。到營後由將備
出具收結。仍飭令文員隨時查驗。如有日晒浪
撞。不知愛惜及盜賣等事。嚴叅治罪。○又奏准。
淮安軍捕通判淮北監掣同知及提右劉河南
匯川沙四營。缺較清苦。嗣後免捐承辦船隻。江

甯鹽巡道及崇明縣缺。亦令攤捐十分之三。此外道廳州縣各按在任日月。照承辦船隻例價一兩。捐銀一兩。計每年攤銀一萬七千九百六十二兩七錢五分四釐零。彙存司庫。作為油艙大修造船本款不敷之用。暨委員薪水兵丁水手駕船往返盤費。及新船演試礮位需用火藥鉛斤。並搭蓋棚廠犒賞匠頭夫役之需。所捐銀兩。不准列入交代。致滋轉轄。○又議准。道廳州縣承修船隻違限。例有處分。今營船改歸省廠承造。各處捐款。限定四季解司。違限不解。照承

修戰船。違限議處。○又議准。承修船隻。動用司庫銀兩。應照奏定市價。造冊送部查覈。其攤捐銀兩。由藩司開單。呈督撫查覈。免其造冊報銷。○又議准。水師船隻。每年修理。均須解省查驗。所有兵丁舵水來往口糧。每名每日給銀四分。於捐款項下支發。○又奏准。現定水師船一百三十五隻。按每年油艙五年大修並計。十年一輪。需銀三十五萬七千一百二兩二錢四分。除油艙大修兩次銀一十五萬九千二百兩。由道廳州縣攤捐外。餘銀十九萬七千九百二兩二

錢四分。在江南善後奏撥經費銀兩內。先行支發。以便成造。仍飭司提動造船本款。陸續歸還。留充善後之用。○又覆准。大舡板船。係江甯省廠承造。今大舡船大小舡板船同時並造。應由蘇州分廠承造。嗣後亦由兩廠分造。以期迅速。○又議准。舊設船隻。照例按成確估變價。造冊咨送工部覈辦。其業經咨部領銀。尚未修造者。將領價速飭提解司庫。報明戶部撥用。○又議准。船政廢弛已久。經此次量為變通章程。如試行數年。實有未能周備。及窒礙難行之處。由該

督隨時奏請更正以期盡善。○又奏准廣東省紳士潘仕成造成大號戰船四隻。身長十三丈二尺。船面寬二丈九尺。深二丈一尺。參用夷式及本省師船式樣。與米艇迥不相同。每隻需用工料銀一萬九千兩。又仿照美國兵船式樣造成一隻。其長寬高深丈尺與所造大號戰船相似。而制度式樣各異。需工料銀四萬三千餘兩。又六品軍功監生馮椿等捐造裹銅加料大米艇一號。需工料銀一萬八千餘兩。免照師船例價報銷。○二十七年議准。閩省水師各營尚缺

大小戰船五十一隻。現添造大號戰船十隻。照報部民價估計。連應配礮位。統共約需銀二十五六萬兩。道光二十五年第二次捐輸河工經費。閩省所收錢文。合銀七萬餘兩。以之造補礮船。尚無窒礙。其餘不敷之項。由閩省一體捐輸。予限一年截止。其製造船隻礮位。用過工料銀兩。造具成規細冊。繪具圖說。送部具題覈辦。嗣後不得率行加增。以示限制。○又廣東省崖州水師。補造小米艇。撈繒船各一隻。○咸豐元年

諭。奕興奏遵查奉天海疆情形。請籌款添設船廠。以資

防捕一摺。據稱奉天洋面。上年商船疊次被劫。因山東捕拏嚴緊。竄入北岸。當即委令水師營弁。前往山東訪求緝捕之法。現擬仿照山東章程。添造開風船二隻。廣艇船二隻。連礮位器械。並召募水勇。責成金州副都統督率駕駛等語。該將軍所稱新添船械。查照山東辦法。飭令黃富興就近在廣東代為召募製辦。仍派員往粵會同駛回奉天一節。是否可期濟用。不至往返需時。有誤事機。又所稱統計經費約需銀五萬兩。暫由盛京戶部庫項借用。另片奏奉天海口。每到商船一隻。勸捐銀一兩。約計十數年即可補足。

一節。盛京本無閒款可籌。勸捐易滋流弊。東省有無
另款可以協濟。著陳慶偕一併會議。即作正開銷。亦
無不可。原摺片均著鈔給陳慶偕閱看。○又覆准。福
建省新造十四槳快哨船三十三隻。按民價每
船准銷銀八百九十二兩一錢二分二釐六毫。
拆造價貼銀五百九十兩一錢三分九釐七絲。
大修價貼銀四百一兩六錢九釐三毫一絲。小
修價貼銀二百八十七兩三錢九分七釐九絲。
所需銀兩。在司庫稅契項下動支。每船應需遵
索銀十三兩八錢六分一釐五毫。每船每月燁

洗一次。例價銀四錢八分。仍照成案在緝匪商
息項下支給。○同治五年奏准。山東省添製礮
船。咨留江南舢板礮船十四隻。分立水師三營。
安設黃河。又增製舢板船十隻。舢板礮船四十
隻。安設運河。合計前後。共置礮船八十五隻。每
船十隻為一營。舢板礮船二十隻為一營。共
立水師六營。○六年議准。直隸省原設水師礮
船不敷分布。勸捐添造大小礮船三十六隻。令
該道各員將用過工料銀數船身丈尺做法清
冊一併送部覈辦。○又奏准。福建臺灣鎮在澎

湖添設廣艇一隻。安平添設廣艇二隻。滬尾添設廣艇二隻。並雞籠改造龍舸船四號。兼巡鹿耳門。旗後。東港。鹿港。各駐二號。笨港。下湖。布袋。嘴。各駐二號。舢舨駐五號。○十年議准山東省水師營赴粵製造柁。舂船十四號。各船均帶隨船舢板一隻。船身包裹鐵葉一層。分撥登州營六隻。榮成營六隻。各編字號。為該營師船。其二隻作為統領師船。○十一年奏准山東省赴粵製造師船。原定身長七丈六尺之師船。改為頭艙面寬一丈一尺二寸。中艙面寬一丈八尺。尾

艙面寬一丈七尺。大桅約高六丈。二桅約高五丈四尺。三桅約高三丈。身長九丈之師船。改為頭艙面寬一丈七尺六寸。中艙面寬二丈二尺。尾艙面寬二丈五尺。大桅約高六丈六尺。二桅約高六丈。三桅約高三丈四尺。○十二年覆准瓜洲三江孟河江陰四營。於江陰改換八圍舢板二號。領江船二號。三江孟河兩營。各改換八圍舢板一號。領江船一號。舢板照定章於底長二丈九尺之外。酌加三尺。其底寬面長。照此類推。○光緒四年覆准廣東省繪船二隻。燕船

四隻。每屆出洋會操。更換蓬索。除尚在藩庫支銀七兩一錢。旗庫軍裝項下支銀一百十五兩六錢九分九釐九毫外。藩庫加給銀三百六兩六錢九分九釐三毫四絲。○十年覆准。山東省登州榮成水師營。額設挖管師船各七隻。調赴天津。各留用五隻。應由直隸總督轉飭將船身丈尺繪具圖說。送部查覈。嗣後前項各船。遇有修造事宜。隨時由該督撫奏咨立案。照例造冊送部覈銷。以符定制。

欽定大清會典事例卷九百三十九

工部

船政

水驛船

應差船

救生船

浮梁渡

水驛船

舊由兵部裁銷雍正十三年編工部

○江南省江蘇常鎮

四府屬額設百有五船乾隆二年議准三年小

修工料銀四兩五錢五年大修九兩十年拆造

三十六兩

乾隆五十六年奉准全行裁汰

江甯省塢額設四十

三船三年小修工料銀四十三兩九錢二分八

釐六年中修七十三兩三錢七分九年大修一

百二十三兩六錢二分四釐十二年拆造二百

十七兩四錢九分五釐。○安徽省水驛額設四十二船。乾隆二年議准。三年小修。五年大修。十年拆造。同安驛紅船一。小修工料銀十五兩。大修三十兩。拆造七十兩。槳船一。小修工料銀十兩。大修二十兩。拆造五十兩。懷甯縣紅船十。小修工料銀三兩。大修六兩。拆造十五兩。貴池縣頭二三號差船三。馬船一。小修工料銀十五兩。大修三十兩。拆造七十兩。四號差船一。小修大修同拆造五十兩。小差船五。小修工料銀三兩。大修六兩。拆造十五兩。銅陵縣差船四。小修工

料銀十五兩。大修三十兩。拆造七十兩。東流縣
頭二三號差船三。小修工料銀十五兩。大修三
十兩。拆造七十兩。中號差船二。小修工料銀十
兩。大修二十兩。拆造五十兩。采石驛紅船三。小
修工料銀十五兩。大修三十兩。拆造七十兩。槽
港驛頭號紅船一。小修工料銀二十兩。大修四
十兩。拆造八十兩。二三四五號紅船四。小修工
料銀十五兩。大修三十兩。拆造七十兩。繁昌驛
紅船三。小修工料銀十五兩。大修三十兩。拆造
七十兩。○江西省水驛額設三十六船。乾隆二

十四年議准。三年小修。七年大修。十年拆造。省
次馬船六。小修工料銀三十兩。大修六十兩。拆
造一百二十兩。茅蓬。柁子各五。茅蓬船小修工
料銀十五兩。大修三十五兩。拆造七十兩。柁子
船小修工料銀十九兩五錢。大修四十五兩五
錢。拆造九十一兩。南昌府茅蓬。柁子各五。修造
工料與省次同。南安府茅蓬。柁子二。修造工
料與南昌同。贛州府茅蓬。柁子三。修造工料
與南安同。○浙江省水驛額設五十九船。乾隆
五年議准。三年小修。六年大修。十年拆造。沙飛

太平明堂江山等船。每年歲修十年拆造。杭州府沙飛船二。拆造工料銀二百二十九兩四錢三分二釐。太平船六。拆造工料銀一百九十二兩一錢三分六釐。嘉興府沙飛船二。太平船六。湖州府沙飛船二。太平船六。拆造工料均與杭州府同。金華府明堂船一。拆造工料銀一百三十七兩四錢八分二釐。江山船五。拆造工料銀一百三十七兩四錢八分二釐。衢州府明堂船一。江山船五。嚴州府江山船六。拆造工料均與金華府同。紹興府蓬萊驛站船二。小修工料銀

五兩。大修十兩。拆造三十兩。東關驛站船二。西
興驛站船六。姚江驛站船二。曹娥驛站船三。修
造工料均與蓬萊驛同。甯波府四明驛站船二。
修造工料與曹娥驛同。○湖北省水驛額設六
十二船。雍正十三年議准。沙船二。三年小修。工
料銀五十四兩七錢。五年大修。一百四十九兩
七錢。十年拆造。二百六十六兩四錢。頭號紅船
一。小修工料銀三十兩。大修一百五十九兩九
錢。拆造二百八十一兩四錢。二號紅船九。小修
工料銀二十五兩。大修一百五十四兩九錢。拆

造二百七十一兩四錢。三號紅船四。小修工料銀二十兩。大修一百四十九兩九錢。拆造二百六十六兩四錢。修造年限與沙船同。宣樓船四十六。歲修銀二十一兩六錢。十年拆造工料銀一百六十五兩。○湖南省水驛額設十二船。二號紅船二。宣樓船十。嘉慶六年奏裁。於歸湖北省管理。○廣東省水驛額設二百四十四船。乾隆元年議准。三年小修。五年大修。十年拆造。廣州府二號座船二。小修工料銀二十五兩。大修四十五兩。拆造八十五兩。使客座船六。小修工料銀二十兩。大

修四十兩。拆造八十兩。河船七十七。馬船五十。
糧船三十四。小修工料銀十五兩。大修三十五
兩。拆造七十五兩。快船七。小船五。小修工料銀
二兩。大修三兩。拆造十兩。南雄府凌江驛座船
四。修造工料與廣州府使客座船同。樓船二。差
船十。修造工料均與廣州府河船同。韶州府美
蓉驛座船三。河船十一。修造工料與南雄府座
船同。差船五。修造工料與南雄府樓船同。肇慶
府高要縣河船十。修造工料與韶州府差船同。
差船十。修造工料與廣州府快船同。德慶州差

船四。封川縣差船四。修造工料均與肇慶府差船同。○廣西省水驛。陽朔。平樂。昭平。蒼梧。藤等縣。額設四十六船。雍正十二年議准。三年小修。工料銀一兩七錢。五年拆造。六兩九錢二分。○四川省水驛。廣元。昭化二縣。額設六橈站船四。乾隆二年議准。三年小修。工料銀三兩八錢。六年大修。七兩四錢。十年拆造。二十二兩三錢。應差船。○雍正十年題准。江甯沙船三十三。每船三年小修。工料銀五十六兩。六年中修。九十兩。九年大修。一百五十九兩。十二年拆造。二

百八十一兩。○十三年題准。江南省便民船屬蘇州者二十四。屬淮安者二十五。均小修工料銀四十七兩五錢。中修七十九兩四錢。大修一百三十三兩八錢。拆造二百三十五兩四錢。年限同沙船。○乾隆元年題准。江甯宣樓船五十六。小修工料銀四十三兩九錢。中修七十三兩三錢。大修一百二十三兩六錢。拆造二百一十七兩四錢。年限同便民船。○三年議准。淮塢樓號船五十一。照宣樓船例。給予工料銀。修造年限亦如之。○八年議准。江甯黃快船七十。內六

百料黃快大船。仍照沙船例。給予修造工料銀。其三百料黃快中船。小修向例給工料銀六十兩九錢。今減定五十四兩四錢。中修向例給銀九十七兩一錢。今減定九十兩九錢。大修仍照向例給銀一百三十七兩五錢。拆造向例給銀二百三十九兩九錢。今增定二百六十兩六錢。年限並同沙船。○十二年議准浙江省便民船四十。三年小修。工料銀十九兩八錢。六年大修。二十九兩六錢。十年拆造。九十七兩一錢。○二十三年。裁汰浙江省下河便民船四十。變價

充公。○二十五年。裁汰安徽大江差船八。雙價
充公。○二十八年。裁汰蘇州府塢便民船四。准
安府塢便民船六。樓唬船二十。○四十五年。覆
准蘇糧巡道衙門駐紮常熟。距蘇州便民船塢
寫遠。又輪年押運。不能隨時勘驗。向例俱由臬
司覆覈具詳。嗣後屆修造之年。徑由臬司就近
勘詳。○嘉慶十三年。覆准南雄協原設小三板
船十五隻。為巡查河道。遞送公文之用。今河道
沙壅。遞送巡查。俱不用此船隻。即將前船十五
隻裁汰。以省糜費。○道光元年。

諭。蔣攸銛奏請借款造船運木以濟要工一摺。前因奉
天省採辦欽工木植。東省船隻難以裝載。降旨令蔣
攸銛循照舊章。由直隸雇船赴岫巖大孤山海口接
運。茲據奏稱天津等縣海船與東省船隻短窄情形
相同。艙內不能安放大木。至熟諳大孤山海道之頭
舵水手。東省尚有可雇之人。議請令各船戶自備料
物。造成寬大海船十隻。天津船戶承造七隻。甯河船
戶承造三隻。分起領運。其頭舵水手人等。責成各船
戶協同。現在天津之東省船戶。自赴黃縣覓雇。毋庸
官為經理。惟造船工費甚鉅。各船戶一時未能全數

籌備。著准在天津道海稅內撥銀一萬五千兩。備給天津甯河兩縣海船戶承領。趕緊購料排造。迅速竣工。雇定頭船水手。限四月初出口領運。其備給銀兩。自道光四年起。分作五年。照數完繳歸款。儻有延欠。即將承領之船戶監追治罪。所造各船運竣工木之後。仍責成該船戶隨時修整。聽其裝運客貨。如官有需用之處。仍聽官為雇用。至天津赴岫巖大孤山運木。應得海程水脚。既無報銷例案。其不敷銀兩。著俟工部覈覆。該督再行妥議奏辦。

救生船。○雍正十三年議准。川省奉節等縣。各

設救生船。照河內戰船年限修造。成造工料銀十八兩一錢。小修二兩七錢。大修五兩五錢。各有奇。○乾隆元年

諭。川省有名險灘。設立救生船。其所需經費。准於正項內報銷。○又議准。江西省星子縣所設救生船。定限三年小修。五年大修。七年再小修。十年更造。○二年覆准。四川省屏山縣救生船。小修二兩二錢。大修四兩三錢。更造工料銀十二兩三錢。各有奇。○又覆准。福建省南平等縣更造救生船。每船給工料銀十六兩八錢。有奇。○三年

諭湖廣地方。三湘七澤。水勢汪洋。自有應設救生船之處。著該督委官確勘。照江南一例辦理。○四年

諭南方素號水鄉。長江大湖。洪濤巨浪。每遇風波驟發。人力難施。向有設立救生船之處。每年頗多救濟。但恐經費不足。則為數無多。而稽察未周。則為善不力。著各省督撫確勘所屬地方。有險阨之處。應設救生船者。酌動存公銀估計修造。每年給予水手工食銀若干。並交與地方官載入交盤冊內。永遠遵行。毋得始勤終怠。○又覆准山西省河津縣禹門渡救生船。給成造工料銀二十三兩三錢有奇。如有損壞。

動帑更造。○五年覆准陝西省韓城紫陽二縣
救生船。照內河戰船年限修造。小修工料銀四
兩六錢。大修八兩九錢。更造十六兩四錢。各有
奇。○又覆准甘肅省歸德所德今肅救生船。給成
造工料銀二十二兩二錢。○八年覆准安徽省
成造救生船。大船長六丈五尺五寸。闊一丈一
尺二寸。深四尺五寸。小修銀二十七兩。大修四
十五兩。更造七十二兩。中船長四丈八尺。闊九
尺八寸。深三尺五寸。小修銀十四兩二錢。有奇。
大修二十八兩五錢。更造四十七兩五錢。修造

年限。照內河戰船例。○九年覆准。江蘇省大號
中號救生船。修造年限。照安徽省定例報銷。○
十年覆准。江西省星子縣救生船。小修工料銀
八兩二錢。大修十三兩八錢。更造四十三兩四
錢。德化湖口彭澤三縣救生船。小修工料銀十
兩六錢。大修二十七兩六錢。更造七十九兩八
錢。各有奇。○十一年覆准。湖北省各屬救生船。
照內河戰船年限修造。船長四丈五尺。闊八尺
者。小修工料銀九兩八錢。大修十六兩四錢。更
造二十五兩二錢。長四丈二尺。闊八尺六寸者。

小修工料銀九兩九錢。大修十六兩五錢。更造二十五兩三錢。長四丈二尺。闊八尺者。小修工料銀九兩二錢。大修十五兩三錢。更造二十三兩五錢。長三丈五尺。闊八尺者。小修工料銀七兩七錢。大修十二兩九錢。更造十九兩八錢。長三丈五尺。闊七尺者。小修工料銀六兩七錢。大修十一兩一錢。更造十七兩一錢。長三丈五尺。闊六尺四寸者。小修工料銀六兩一錢。大修十兩二錢。更造十五兩七錢。長三丈。闊六尺者。小修工料銀四兩九錢。大修八兩二錢。更造十二

兩六錢。長二丈二尺。闊五尺者。小修工料銀三兩。大修五兩。更造七兩七錢。各有奇。湖南省救生船。亦照湖北省之例辦理。○又覆准浙江省救生船。小修給工料銀十六兩。大修二十兩。更造五十四兩四錢有奇。○十五年題准甘肅省歸德所救生船。定限五年一更造。○又覆准各省救生船數。江蘇省二十八船。丹徒縣鎮江口漁船六。大港。圖山船各一。京口驛紅船一。江都縣瓜洲渡江馬頭查子港新港口三處紅船各一。深港紅船二。三江營紅船二。儀徵縣沙漫洲。

舊江口紅船各一。江甯府三山。西江船各一。上元縣爬斗山船一。江陰縣黃田港船一。靖江縣瀾港口船一。寶山縣黃浦江口船二。山陽縣老壩口船一。清河縣縣前風神廟船各一。安徽省十七船。懷甯縣新馬頭。大江口前江溝二處船各一。大新橋船一。小南門船二。大南門船一。貴池縣馬踏石。新河壩船各一。銅陵縣長山磯。洋山磯船各一。繁昌縣三山夾。荻港鎮趙家埠船各一。東流縣吉陽。黃石磯船各一。當塗縣采石。大信二鎮船各一。江西省二十一船。湖口縣屏

峯磯。文昌汛。麒麟河船各一。彭澤縣金剛料小
孤汛。馬當鎮船各一。德化縣九江關岳師門。迴
峯磯。大姑塘船各一。星子縣渚溪汛。蓼花池南
岸汛。謝石汛。火焰山。蔡溪河。青山汛。洋湖汛。長
嶺汛。九處船各一。左蠡汛船二。浙江二十三船。
分泊錢塘江兩岸。福建省十五船。甌甯縣七里。
青銅萬石三灘船各一。建安縣盆灘梨灘船各
一。南平縣黯淡八仙卓鯉魚城門衝金盆燕子
巖六灘船各一。大湘茶洋二灘共設船一。箭孔
秤鈎二灘共設船一。順昌縣雄雞羽毛二灘船

各一。湖北省六十七船。江夏縣船十七。漢陽縣
船十。武昌縣船一。興國州船二。大冶縣船二。黃
岡縣船一。黃梅縣。蘄州船各二。蘄水縣船一。江
陵縣船四。監利縣。松滋縣船各二。襄陽船三。均
州船二。東湖縣船七。巴東縣船二。歸州船七。各
於本境內險要處所分泊。湖南省二十二船。岳
州府布袋口。君山後湖。扁山。九馬背。萬石湖。龍
迴。鯿。銅盆湖。舵杆洲。八處船各一。巴陵縣。岳陽
門。南津港。鹿角。劉公磯。城陵磯。荊河口。白螺磯。
楊林磯。八處船各一。華容縣。傅家磯。黃公灘。船

各一。湘陰縣百魚磯。琴棋望白花洲。磊石四處
船各一。四川省六十六船。青神縣啞漣灘船一。
樂山縣大佛崖灘船二。犍為縣道士觀軍雞濠
叉魚子。龍泉三灣老鴉漩五灘共設船三。宜賓
縣琴葉斑鳩石。碓灘鐵匠石鴨龍漩子。馬耳雷
劈石八處共設船四。南溪縣鷺鷥磧九龍灘銅
鼓子三處共設船二。江安縣香鑪閣坑子二灘
船各一。納谿縣頭繼梁二繼梁三繼梁船各一。
瀘州觀音背螃蟹磧兩條牛金盤磧四灘共設
船三。合江縣淘竹石鼻子鈴口連石子四灘共

設船。二江津縣黃石龍灘大雞腦威虎子石牛
欄觀音背蜂窩子六處共設船。三巴縣鑽旱子
青巖子豬腸子牛頭溪龜石觀音梁鋸梁餓鬼
堆黑石堆鮓人坑馬嶺十一灘共設船。五長壽
縣養蠶堆臺盤子龍舌張公不語四灘共設船
二涪州黃魚嶺馬盼堆麻堆龍王沱羣豬斗巖
白牽七灘共設船。五。酆都縣觀音嶢碑二灘船
各一。忠州鑿珠背鳳凰子魚洞子折尾四灘共
設船。三萬縣魚子湖窄小子席佛面四灘船各
一。雲陽縣馬嶺子塔江子寶塔沱東洋子廟磯

子磁莊子六灘船各一。奉節縣瞿塘。灩澦二灘
設船一。青巖小黑石。二沱灘男女孔。石版峽五
處船各一。巫山縣大黑石虎鬚子庫套子大小
磨。三攬子下馬灘老鼠剝香鑪灘八處共設船
四。繫枋子龍竇跳石黃金藏黃老背五灘共設
船三。屏山縣新開灘船一。山西省河津縣禹門
渡船一。陝西省七船。同州府屬韓城縣龍門渡
船一。興安縣今改屬紫陽縣漢江鐵牽官姑大
力中宮汝河樓子六灘船各一。甘肅省西甯府
屬歸德所黃河渡口船一。三十年覆准湖北

省松滋縣浣市救生船二。改撥史家灣地方以資救援。○四十五年奏准。江蘇長江天險。京口瓜洲及北固金焦一帶。風濤間作。尤為緊要。照添雇漁船例。再撥漁船四。所需工食銀兩。在普生莊息銀兩動支。儻經費缺乏。以及船隻不敷。於丹徒丹陽等縣一帶報升沙灘銀兩內隨時撥充。按年造冊報銷。○五十年覆准。浙江省錢塘縣銀杏埠蕭山縣西興埠各添設救生船一。每船成造工料銀七十二兩九錢五分。每船每歲額給修脗銀六兩。額定每船水手八名。每名

工食銀六兩。小修銀十六兩。大修銀二十兩。○
五十五年覆准。江蘇省丹陽縣入官田塘一百
八十畝。九分六釐九毫。係於所設普生莊租息
銀內置買入莊。每年按照通縣收成分數。採收
米麥。變價解存府庫。充該莊救生漁船工食犒
賞。

浮梁渡船。○康熙十八年覆准。將順天通州額
設橋船五十內。撥給三河縣洵河六船。○五十
七年覆准。拆造通州橋船二十二。作為定額。○
雍正元年奏准。古北口灤河設渡船四。交與汛

官管理。動項修造。○八年議准。四川省中渡河渡船。乃通西藏要津。定限三年更造。每歲船補。○十年題准。古北口灤河渡船朽壞。原設四船。今改造二船。已足敷用。交密雲縣料估興工。工竣撥兵管理。○又議准。四川永甯道所屬渡船。四。定限三年小修。六年大修。十年拆造。○十二年。裁汰建南七兒堡上渡渡船一。中下兩渡各增設渡船一。○乾隆元年議准。江西省南昌縣楊子洲渡船。定限六年拆造。○又議准。潯陽渡船。動公項修造。○二年議准。浙江省山陰蕭山

兩縣所設橋船。每年各輪造四船。修理四船。○
又議准四川省竹巴籠牛古兩渡。渡船動公項
修造。○三年議准廣東省雷瓊海口渡船。照內
河戰船例修造。○又議准江南省清河縣所設
馬船。歲給修理銀六兩。定限十年拆造。○又定
福建省烏龍江渡口馬船。三年小修。給工料銀
三十兩。再三年大修。給銀五十兩。又屆三年。如
果朽壞不堪。給拆造銀百兩。下塔仔渡船。每年
蓬索。照烽火營哨船例。除修造年限。毋庸別給
外。其餘每船給銀七兩七錢一分四釐。○又覆

准廣西省賀縣橋船動公項修造。○五年議准陝西省同州府禹門渡船照內河戰船年限修造。○又題准直隸省古北口渡船朽壞別設渡船二。增設橋船十四。○又題准雷瓊海口渡船照外海戰船例修造。○七年議准江南省亳州橋船照號船例修造。○又定瓜洲馬船准動公項修造。○八年覆准順天府通州橋船動公項置辦。定限十年拆造。仍照舊例。自拆造之年為始。三年後每船給歲修工價銀三兩。桐油十二斤。川麻三十六斤。又自歲修之年為始。開年

給長二丈一尺徑一尺三寸松木二根長一丈
一尺徑一尺四寸松木六根以資修脩其搭造
浮橋需標木板片等項酌量五年增補一次○
又議准洵河渡船歲給修脩銀四兩○九年議
准江甯上元縣渡船定限五年大修十年拆造
動支公項○又議准江西省新建縣窯尾山渡
船動支公項修造○十年覆准廣西省懷遠縣槳
船照馬平縣哨船式樣成造○十一年議准龍
勝苗疆渡船每船給歲修銀一兩二錢○十三
年議准湖北省漢陽渡船每船給歲修銀四兩

○十四年覆准。江西省城廣潤門外橋船。動公
項修造。○二十二年覆准。江西省新建縣吳城
渡設渡船二。動公項修造。○二十五年奏准。福
建省侯官縣鐵嶺溪。小濛溪。大穆溪。祥溪。小箬
溪。安仁溪。牛頭溪。各設渡船一。○又覆准。江西
省新建縣吉洲山設渡船二。動項修造。○二十
七年奏准。江蘇省昭文縣海洋塘口設馬船一。
○又覆准。四川省酉陽州井崗口渡船一。移設
龔灘濟渡。以利往來。○二十八年覆准。山西省
陽曲縣設汾河渡船二。動項修造。○二十九年

議准廣東省瓊州雷州二府屬海口海安二所。原渡船六。今裁四留二。照依龍門協快櫓槳船式樣改造。○又議准奉天府承德縣渾河鋪渡船五。今裁三留二。○又覆准福建省侯官縣鐵嶺溪等七處渡船自修造之年為始。屆三年小修。小修後再屆五年大修。大修後再屆三年。仍行小修。小修後再屆三年。驗明船身尚堪修理。仍行大修。朽爛不堪。即行拆造。○三十年題准廣東省瓊雷二府屬之海口海安二處渡船。身長四丈五尺。寬七尺五寸。每船拆造工料銀三

百六兩四錢五分九釐零。舊料變抵銀九兩三錢四分六釐。小修工料銀七十三兩六錢三分三釐零。大修工料銀一百五十一兩八錢三分七釐零。舊料變抵銀二兩六錢三分一釐。每年更換篷索銀二兩四分五釐零。其修造年限仍照外海戰船例。○三十一年覆准。湖北省江夏縣原設渡船十六。今留渡船五。○三十三年覆准。喀喇沙爾開都河口額設大小渡船十。無大小修拆造年限。每年遇有損壞滲漏。隨時造修足額。所需物料該處自行採辦。鐵釘螞蝗鉸等

項由內地調取應用。○三十四年奏准雲南省保山縣潞江渡設渡船四。○三十五年奏准阿克蘇烏什中間之瑚瑪喇克河添造渡船二。○三十六年覆准烏什地方木雜拉特河楚克達爾河塔納哈克河各添造渡船一。○又奏准陝西省咸甯縣瀟河兩岸各設渡船二。○又覆准瀟河渡船每年修補三年小修五年大修。○三十七年

諭傅玉等奏荊州滿營因在江渡馬備船六隻並未應用一次小修及水手工食拆造俱虛糜錢糧請交湖

廣總督等遷於應用地方應用。若無應用之處。即行裁減等語。各該處所備官船。專為於事有益。若徒供備而毫無應用。不但虛糜錢糧。且無約束之人。不肖水手等倚恃官船。不無滋生事端。傅玉等此奏甚是。除已批照所請行外。著交該部即行文咨查各省駐防。凡設有官船處所。若有此等無用者。俱照此辦理。

○又覆准江西省新建縣樵舍鎮設渡船二。大小修拆造年限工料。照吳城各渡例。○又題准江西省城廣潤門外橋船四十八。全行裁汰。改設渡船四。○三十八年奏准伊犂柔遠城果爾

札二處渡口。各設渡船二。○又奏准順天府通州北關外額設橋船二十二。移於東河。添設西河橋船九。○又奏准古北口外頭道二道潮河。各添設橋船三。喀喇河屯灤河。添設堅厚對船四。密雲縣潮河白河。添設大渡船二。小渡船四。○又裁黑龍江齊齊哈爾二處額設划子船二十。○四十一年議准甘肅省皋蘭縣搭拆黃河浮橋。責令主簿專管。○四十四年題准四川省汶川縣及新疆等處渡船。照西鑪中渡牛古竹巴籠三渡例。每年脩補一次。三年拆修一次。○

五十一年奏准廣東省額設南海縣義渡船三。番禺縣義渡船十。三水縣義渡船二。增城縣義渡船二。修造工料均令報部覈銷。修造年限照巡船例。五十二年議准福建省臺灣境內淡水溪灣裏溪虎尾溪大突溪大肚溪大甲溪等處水深湍急。徒涉為艱。每處設渡船二。五十四年覆准新疆烏什所屬托什罕河渡船二。阿克蘇所屬瑚瑪拉克河渡船四。塔納哈克河渡船二。楚克達爾河渡船二。木雜拉特河渡船一。俱隨時修補。損壞難修者另行拆造。五十六

年奏准古北口外潮河原設橋船六改為渡船
二橋船四歸併灤河以資濟渡○嘉慶五年湖
南省臨湘巴陵二縣所屬楊林磯額設渡船四
全行裁汰○道光元年議准河南省黃河官渡
船隻損壞於祥符縣柳園口添購大船十一隻
李陸口添購大船五隻榮澤口添購大船八隻
動用提存儀工節省銀兩成造○同治四年奏
准呼蘭例修渡船二隻○十年奏准黑龍江例
修大船九隻渡船二隻

欽定大清會典事例卷九百四十

工部

器用表匣

玉 奏書匣

記注匣

實錄匣

詔金

鳳 佐領印軸

詔

功牌

敕

及 糊飾

殿

試

金榜

進

世襲

燕簪花

各衙門需用器物

表匣○順治元年定。

皇帝恭進

皇太后表文。用明黃髮堆金滌粉龍匣。高三寸。長一尺

六寸。闊六寸。王公百官恭進

皇太后表文。

皇帝表文。

皇后箋文。用黃綾匣。高六寸。長一尺八寸。闊五寸五分。均杉木質。准內閣典籍廳來文辨造。

奏書匣。○順治八年定。

皇帝恭進奏書於

皇太后。用杉木匣。以明黃雲龍緞糊飾。高二寸一分。長一尺一寸五分。闊五寸八分。准內閣典籍廳來文辨造。

寶錄匣。○康熙十一年奏准。每匣長四尺一寸五分。闊二尺二寸。高四尺五分。枿木質。外用銅鍍金釵。

雲龍文葉包鑲。內用黃綾糊飾。香杉木格。每匱連底蓋五層。長三尺四寸。闊一尺六寸七分。高三尺一寸。匱格均無定數。准該館來文辨造。

玉牒匱 ○順治十八年奏准用大匱四。每匱闊四尺。縱三尺九寸。高三尺七寸。插蓋箱十。每箱闊三尺一寸。縱一尺九寸。高六寸。均杉木質。二匱漆用黃色。二匱紅色。四箱黃色。六箱紅色。均戩金雲龍文。准宗人府來文辨造。○康熙十年奏准。每次纂修

玉牒匱箱。各增高六寸。○乾隆十年纂修

玉牒告成。累年加增。匱高至八尺五寸。箱高至五尺四寸。○三十二年奏准。宗人府尊藏。

玉牒用黃紅匱各二座。其

皇史宬向用黃紅箱十座。照宗人府例改用黃紅匱各二座。做法式樣與宗人府黃紅匱同。○嘉慶二年。纂修。

玉牒告成尊藏

皇史宬黃紅匱高七尺。寬五尺。縱三尺二寸。○十二年。

纂修

玉牒告成尊藏

盛京及

皇史宬黃匱二十四座。紅匱三十一座。各高八尺。寬三尺七寸。縱二尺六寸。○光緒十三年。纂修

玉牒告成。黃龍匱增高至九尺九寸。紅龍匱增高至九尺。

記注匱。○順治元年定。歲造記注匱一。松木質。長二尺五寸。闊一尺六寸。高二尺。銀硃漆飾。用鐵葉包裹。歲在該衙門來文辦造。○嘉慶元年恭造

太上皇帝記注匱一。

仁宗睿皇帝記注匱一。其高寬尺寸亦如之。二年三年

同。

銜

詔金鳳。乾隆十四年奏准。鳳高二尺一寸五分。長四尺七寸。護雲長五尺一寸。前闊一尺八寸五分。後闊七寸。承

詔朵雲。闊三尺四寸。均用鈸銅飾金。鳳口銜明黃絲組。懸以朵雲。轉軸而下。准內閣典籍廳來文供用。用畢仍交部收存。

詔

敕及

殿試金榜。○順治元年定。

詔書及金榜。均用硬黃紙。表裏二層。

敕書分三等。一金龍香箋。表裏四層。用檀香屑夾造。

面繪泥金雲龍。背灑金。一畫龍箋。表裏三層。香

墨繪畫。一印邊龍箋。表裏二層。香墨刷印。均黃

色。准內閣典籍廳來文辦造。○乾隆二十五年

奉

旨。嗣後敕書紙料。仍著工部辦理。其應畫龍邊。著交造

辦處描畫。

世襲佐領印軸。○乾隆三年覆准。八旗世襲佐領。應設立黃紙印軸。將原立佐領原委及承襲支派。備書於軸。給發佐領各族長等收執。以憑稽考。其長短尺寸。移咨工部先造千軸。計長三大四丈五丈者。各三百軸。十丈者百軸。其周圍螭邊款式。及縱廣尺寸。均照功牌式樣。嗣後成造。均依兵部所需數目。及來文內長短尺寸。辦給。○十四年覆准。游牧察哈爾及

盛京等處佐領。應給印軸七十九。計長五十五丈者一。四十五丈者五。十三丈者一。十二丈者五。十

一丈者三。八丈者三。七丈者九。六丈者十八。五丈者三十一。四丈者一。三丈者二。

功牌。康熙十一年定。功牌分五等。一等功牌。長三尺六寸五分。二等長三尺三寸五分。三等長三尺五分。四等長二尺八寸五分。五等長二尺六寸五分。均廣一尺一寸五分。用白礬紙棉紙表裏二層。周圍香墨印邊。作螭文。紫綾為面。軸用紫榆木。准兵部來文辦造。

糊飾。順治初年定。

太和殿

保和殿

中和殿

文華殿窗格。用朝鮮貢紙。每年糊飾。黃綾博縫。二年一次糊飾。各

壇

廟窗格路盤。由太常寺移咨。外藩朝貢各館舍。由禮部理藩院移咨到部。委官糊飾。

設案。○順治元年定。朝會慶賀諸典禮設表案。經筵設

御書案講案。

頒賜表裏諸物設賞案。

賜燕設食案。

殿試及進士

朝考庶吉士散館等試各閱卷官設公座書案均
准各衙門咨文由部供用。

進士赴燕簪花○順治元年定新進士

賜恩榮燕應用綵花五百枝狀元金飾銀花二枝准
禮部來文辦給。

各衙門需用器物○內閣送本需用皮箱包袱
油單照咨取數目每二月辦給一次○修書各

館需用廚櫃案椅筆墨硯由部辦給。○禮兵二部會試筵燕需用盤碗錫器之屬由部委官辦給。事竣撤回。禮部燕外國貢使供應同。○蒙古王公台吉等需用案椅燈檠馬槽諸物照理藩院咨文由部辦給。○凡

頒詔

頒杖書需用畫筒油單。

命將出師及

欽差官需用

杖筒印匣印池皮箱鎖鑰襪褥等物均照各衙門來

文如數辦給。○上駟院需用馬槽及馴象所需

用蓋象綿被氈條均由部辦給。○修造樂器需

用桐梓木材及修造器物應用毛竹斑竹熏竹

黃花竹筓竹實心竹椶木檀木均行文浙江等

省辦解。成造玉器需用寶砂行文直隸省靈壽

平山三縣辦解。○八旗滿洲蒙古需用馬槽由

部派員估辦覈銷。○欽天監纂寫裝潢各書需

用大案小案卓杌等件暨封送外省時憲書需

用包袱均由部辦給。○光祿寺筵燕需用食盒

板箱紅花瓷罐紅布蓋袱等項照單辦給。○鑾

儀衛豫備謁

陵轎乘。應用繩席竹板檀木夾杆法布油單。由部辦給。
○太常寺遇有告祭。應用卓橈等項。由部辦給。
○禮部進呈三大節慶賀表文。應用匣袱。咨部辦給。
○鴻臚寺遇

升殿日期。安設黃案並嘉量等件。先期咨部豫備。
皇史宬抖晾

寶錄。由部豫備黃緞卓套黃案。○左右翼前鋒統領更
換旗幟。咨部給發。○滿洲火器營製用旗纛。咨
部給發。○戶部包封外省捐輸空名執照需用

油布麻繩夾板咨部辦給。

東陵

西陵祭祀需用筐繩兵部馬館需用拴車繩冰窖需用井繩連二繩並領發各處時憲書應用麻繩均照來文覈定辦給。健銳營咨取雲梯拉繩四根每根長六丈八尺徑一寸八分照來文覈定辦給。沙河趕造氈片需用拉毛各長五丈煞繩一百根縫繩四百丈確繩二十根曬氈麤席一百塊武備院隔年行換一次照數辦給。

藏冰

設窖

巡幸供冰

工價

陵寢供冰

設窖○順治元年定。每歲冬至前。工部發帑委所屬官至期伐冰收藏。

紫禁城內設窖五。通州取冰一窖。計四千五百四十三塊。京河取冰四窖。各五千二百十塊。

景山西門外設窖六。通州取冰三窖。各一萬二千九百三十七塊。京河取冰三窖。各一萬二千八百九塊。德勝門外設窖八。各一萬三千二百五十塊。○又定。藏冰每塊見方一尺五寸。行文奉宸苑及通州知州。豫期增設牖板。蓄水凝凍。伐運如額。不堅不潔者劾之。○康熙三十六年議。

准。

景山藏通州冰三窖內。減冰四千塊。○五十五年議准。德勝門外冰窖。減五存三。每窖藏冰一萬九千九十二塊。○雍正六年奏准。嗣後玉河及龍王堂等處。選取潔淨冰八萬五千塊。通州選取五千塊。作為定額。

紫禁城內五窖。藏京河冰二萬塊。

景山西門外六窖。藏京河冰三萬塊。德勝門外三窖。藏京河冰三萬五千塊。通州冰五千塊。○十一年。增藏京河冰一萬五千塊。○乾隆三年。增

藏京河冰五千塊。○四年。

紫禁城內五窖。藏京河冰二萬五千塊。

景山西門外六窖。藏京河冰五萬四千塊。德勝門外三窖。藏京河冰二萬四千七百塊。通州冰二千塊。○八年。德勝門外開設大小二窖。增藏龍王堂冰三萬五千三百塊。蓮花池冰六萬四千七百塊。○十三年議准。正陽門外開設二土窖。以德勝門外土窖冰六萬塊。移藏該處。作為定額。○十九年奏准。按每年藏冰。順治年間在通州取冰四萬餘塊。雍正六年減為五千塊。乾隆

四年減為二千塊。但由通運京道里稍遠。不若在京伐取之便。且現在龍王堂蓮花池等處得冰甚多。嗣後每年增取二千塊。停止通州取冰。○道光元年。德勝門外甄窖收藏京河冰二萬六千七百塊。土窖收藏冰二萬塊。○用冰。○順治九年定。每歲收藏冰供各

壇

廟祭祀及

內廷之用。並頒給八旗王公大臣九卿科道等官。○康熙元年定。歲給掌儀司收藏果品冰兩半。

窖。太常寺收藏果品留三層冰一窖。○十三年。停止八旗及各部院衙門給冰。○雍正十年諭。現今天氣炎熱。各門應設立冰水暑湯。以解行人煩渴。取用工部藏冰。如不敷。動用崇文門宣課司餘銀採買。永著為例。欽此。遵。

旨議定。正陽等九門各設立冰水暑湯。日給冰二塊。○十一年議准。正陽門增設冰桶。並東西大市街。就日瞻雲坊街。各設冰水暑湯。又增給田邨八旗官學九門等處冰塊。○乾隆八年奏准。在京部院大小各衙門。及八旗印房護軍統領前鋒。

統領並問刑衙門凡有監獄之處俱於土窖十萬額今八萬塊冰內取用每冰萬塊輒窖限五成土窖限六成消化○九年定各衙門取用冰每年五月初一日起至七月二十日止各按應用數目具印文支領○二十八年停止太常寺收藏果品三層冰一窖

陵寢供冰○康熙初年定每歲藏冰之時令直隸省地方官照部定例伐冰藏窖以備

陵寢祭祀之用○雍正四年議准

陵寢祭祀所需冰

景陵由馬蘭關遵化州供用。

妃園寢由薊州供用。

昭西陵由遵化州與薊州輪年供用。

孝陵

孝東陵由豐潤縣供用。永著為例。○乾隆元年題准。易

州供應

泰陵冰。伐運至四十五里之外。所需工價。於司庫存
公銀內支用。○四年覆准。易州開設土窖。每
折見方一丈。厚一尺。給壯夫二名。每名銀四
分。席每張銀八分。每運冰車價銀三錢。○四

十二年定。

泰東陵祭祀所需冰。由易州供用。○嘉慶四年定。

裕陵祭祀所需冰。由豐潤縣供用。○道光元年定。

昌陵祭祀所需冰。由易州供用。○咸豐二年定。

慕陵祭祀所需冰。由易州供用。○三年定。

昌西陵祭祀所需冰。由易州供用。○七年定。

慕東陵祭祀所需冰。由易州供用。○同治四年定。

定陵祭祀所需冰。由玉田縣供用。○光緒五年定。

惠陵祭祀所需冰。由豐潤縣供用。○七年定。

普祥峪

定東陵祭祀所需冰。由玉田縣供用。

巡幸供冰。原定凡遇

巡幸直省。沿途茶膳等房。每日需用冰塊數目。由內務府定議到部。轉行地方官照數豫備。康熙三十年定。熱河一帶地方。建設冰窖。遇

巡幸之年。由部會同內務府。豫年委官前往採買潔淨冰塊。收藏供用。熱河藏冰三萬塊。喀喇河屯三千塊。巴克什營兩間房。葦子嶺

今常山嶺樺榆溝

中關。小營。波羅河屯等七處。各五百塊。又定。

江浙二省。遇

巡幸之年。蘇淮二府各於本處設窖藏冰。江甯揚州。徐州。常州。鎮江等府。雇覓蘇淮窖戶。在宿遷及各府城收藏。浙江省委官於蘇州府建設廠窖。均豫年辦理。○乾隆七年奏准。巴克什營等七處藏冰。仍照舊額。熱河減為五千塊。喀喇河屯減為一千塊。均動支司庫存公銀。令各該地方官修窖藏備。○十九年奏准。熱河等處。

巡幸駐蹕之所需冰無多。熱河減為二千塊。喀喇河屯三百塊。巴克什營等七處各減為百塊。

工價。順治九年定。通州冰。每塊伐運價銀三分八釐。藏

紫禁城內京河冰。每塊伐運價銀七釐四毫。餘冰每塊四釐二毫。康熙四十一年定。窖藏冰塊。如不敷用。准採買民窖冰。夏秋月分。每塊價銀七分三釐。雍正四年定。秋月採買民窖冰。每塊價銀二分五釐。六年議准。收藏通州冰。每塊伐運價銀減為二分四釐。九年定。秋月採買民窖冰。每塊仍給價銀七分三釐。十一年定。秋月採買民窖冰。每塊價銀五分三釐。乾

隆八年議准。土窖藏冰。龍王堂冰。每塊伐運價銀四釐八毫五絲。○又覆准。每冰十六塊。給一車。○嘉慶二十三年議准。熱河承德府灤平縣豐甯縣供應。

皇差。需用冰塊。運腳銀兩。承德府實銷銀一百五兩六錢四分一釐。灤平縣實銷銀四十三兩九錢九分六釐。豐甯縣實銷銀十二兩六錢九分八釐。如逾額請銷。工部即行覈減。○又議准。甄土各窖收藏冰塊。每運價銀一兩。折給制錢八百。

文。○道光元年議准。正陽德勝二門冰窖。搭蓋
放冰棚座。需用席一百三十五領。一分。每領給
銀八分。竹竿一百七十三根。每根給銀四分。草
簾工價錢八串。○又議准。正陽德勝二門土窖。
收藏冰塊。需用篷蓋丈席三百二十三領。每領
例給價銀八分。按七一扣算。每領銀五分六釐
八毫。計實銀十八兩三錢四分六釐。稻草一萬
六千二百八十六斤四兩。每斤銀一釐八毫。土
方六百八方四分二釐。每方夫工二名。每名給
錢七十五文。○又議准。正陽德勝二門土窖。開

故冰塊自五月初一日起至七月二十日止需用起土淘水人夫共六百四十名每名給錢七十五文。咸豐十年議准運價改折大錢不敷辦理仍以錢折銀按二成五實銀數給二百十四兩九錢八分五釐。

織造

制帛
潞紬

誥敕

枝尉服色

絲縉

制帛。順治八年定江甯織造局設

神帛機三十張。歲織帛四百端。又准部移文額造二千端。其文兼清漢曰郊祀制帛。曰告祀制帛。其色青黃曰奉先制帛。色白曰禮神制帛。青赤黃

白黑五色曰展親制帛。曰報功制帛。均色白。曰素帛。色白不織文。○乾隆四十三年定。各

壇

廟

陵寢祭祀應用制帛甚多。原額二千端。不敷嗣後每年由部覈定數目。豫行江甯織造如數辦解。○咸豐三年奏准。綵紬庫各色制帛。向由江南織造織辦。現在庫存不敷支放。江南辦理軍務勢難趕辦。暫交杭州織造織辦。俟江南軍務告竣。仍由江南織造辦理。○光緒四年議准。

神帛等件。業經杭州織造辦理有年。所有房間機張均已添設。毋庸改歸江南。

誥敕。康熙元年定。江甯織造局設官誥機三十五張。遇應用之時。由部豫期行文。該織造如式置辦。

誥命。用五色及三色紵絲。文曰

奉天誥命。

敕命。用純白綾。文曰

奉天敕命。均織升降龍文兼清漢字。○又定。一品玉軸。鶴錦面。二品犀軸。螭錦面。三四品貼金軸。五

品角軸。均牡丹花錦面。六七品以下概用角軸。
小團花錦面。○二十九年議准。浙江省湖州府
屬每年解江甯織造

誥敕絲斤三千八百三十二斤一十五兩零。停其辦
解。令江甯織造採買。○光緒四年議准。

誥敕各件。改由杭州織造辦理。

校尉服色。○原定。校尉衣用大紅官綠色。織團
葵花文紵絲。每件五幅。長四尺三寸。闊一尺七
寸。袖八寸。○康熙元年覆准。校尉衣停織花紅
緞。用木紅官綠色。照內織染局三絲式樣織造。

○十六年奏准。昇輦與校尉織紬地。擎執校尉

織絹地。

今俱改織絹地。

○乾隆四十一年

諭。此項駕衣派員解送時。將箱封鎖。不令委員沿途抖
晾。究屬辦理不善。著即將駁為三等之衣片六百四
十二件。不准開銷。以示懲儆。並令該織造嗣後解送
駕衣。不必封鎖。務令委員小心啟看。隨時抖晾。毋致
黴黑。

絲繒。○原定。每絲紬一疋。用經絲十一兩。緯絲
十一兩。織成長丈六尺。闊一尺六寸。染以各色
以供

國家慶典陳設結綵及綵棚綵亭。並公廨一應慶
賀典禮結綵之用。○康熙三年覆准。庫存綵紬。
色尚鮮明。多儲無益。嗣後遇應用之時。令江甯
蘇州杭州三局。照部行數目。織染解部。毋庸每
年造報。

潞紬。○順治初年。山西省長治高平二縣。歲織
潞紬三千疋。○八年。新頒式樣。每疋長五丈。闊
二尺五寸。酌定價銀十三兩。歲織一千四百七
十九疋二丈。○十五年題准。每歲織三百疋。長
治縣一百八十六疋。高平縣一百一十四疋。○

康熙六年題准減去大潞紬一百疋。改織小路
紬四百疋。長三丈。闊一尺七寸。每年長治縣大
紬一百二十四疋。小紬二百四十八疋。高平縣
大紬七十六疋。小紬二百五十二疋。十四年
議准大小潞紬各減去一百疋。每年長治縣織
解大潞紬六十二疋。小路紬一百八十六疋。高
平縣織解大潞紬三十八疋。小路紬一百十四
疋。十七年題准潞紬每疋銷銀十二兩五錢
。小路紬每疋銷銀二兩七錢五分。光緒八年
議覆大小潞紬係豫備

坤寧宮大祭應用要件。非他省所能織造。行令該省仍解本色毋庸折價。